

COMISIÓN DE CALIDADE DA FACULTADE DE DEREITO ACORDOS ADOPTADOS NA REUNIÓN ORDINARIA DO DÍA 20 DE MAIO DE 2021

Acórdase por asentimento¹:

1. Aprobar a acta da reunión ordinaria do día 17 de decembro de 2020.
2. Manter as metas asociadas aos obxectivos de calidade fixadas para o curso 2019/2020.
3. A actualización do Plan de Melloras do Centro cerrando as melloras propostas para o curso 2019/2020.
4. Validar o Informe de Revisión do Sistema pola Dirección do curso 2019/2020 incluíndo as modificacións acordadas pola comisión.
5. Validar o procedemento de Orientación ao alumnado e atención ás necesidades de apoio educativo CÓDIGO DO-0203 ÍNDICE 05 coas modificacións propostas.
6. Remitir un escrito á Área de Calidade co obxecto de manifestar o descontento do centro respecto á información requirida ao decanato no marco do programa de avaliación da actividade docente (Docentia anual) do curso 2019/2020 en relación coa valoración subxectiva da existencia de boas prácticas no desenvolvemento das clases de cada docente, das actividades de apoio e da avaliación, pese ás implicacións que a dita valoración pode ter nos vindeiros anos de cara a solicitude dun sexenio docente e a penalización que suporía para o profesorado a non adquisición da máxima puntuación.
7. Remitir á Vicerreitoría de Organización Académica e Profesorado a seguinte declaración de interese sobre a participación da Facultade de Dereito na definición das titulacións de Máster Universitario derivadas do estudo Galicia 2030:
Expresar a complexidade de liderar algunha das titulacións propostas para o ámbito das ciencias sociais e xurídicas que se inclúen no estudo, pero manifestar un interese transversal e a dispoñibilidade do centro para propoñer materias concretas que poidan encaixar nas diferentes titulacións; non só nas do ámbito específico das ciencias sociais e xurídicas senón tamén noutros ámbitos (como o Máster en Xestión Sustentable e Avanzada da Auga, do ámbito das Ciencias, o Máster en E- health, de Ciencias da saúde, ou o Máster en Blockchain e Tecnoloxías DLT, de Enxeñería e Arquitectura).
8. Validar as propostas realizadas en materia de presupostos respecto á adquisición de monitores interactivos para as aulas espello, á adaptación dun aseo se a Vicerreitoría de Planificación non pode asumir o gasto e o recoñecemento do persoal que se xubile.

¹ As persoas interesadas en consultar a documentación poden dirixirse ao correo electrónico da Secretaría do Decanato. sdefdo@uvigo.es



9. Solicitar á Reitoría un informe sobre as consecuencias que, respecto ás partidas destinadas ás infraestruturas da Facultade de Dereito (ou dos centros do Campus de Ourense) pode supor o traslado das titulacións do campus universitario Lagoas-Marcosende ao centro de Vigo para, no seu caso, valorar dito informe posteriormente na Xunta de Facultade.

DILIXENCIA para facer constar que os acordos adoptados na reunión ordinaria da Comisión de Calidade da Facultade de Dereito, celebrada o día 20 de maio de 2021, se publicaron no taboleiro de anuncios e na web do centro o día 25 de maio de 2021.

A Secretaria da Facultade de Dereito
Asinado dixitalmente
Concepción Martínez Martínez

Contra os presentes acordos, que non esgotan a vía administrativa, poderase interpoñer un recurso de alzada ante o Reitor no prazo de un mes a contar desde o día seguinte ao da súa publicación ou notificación, de acordo co disposto nos Estatutos da Universidade de Vigo e nos artigos 121 e 122 da Lei 39/2015, do 1 de outubro, do procedemento administrativo común das administracións públicas.